

## ○說育嬰堂

- ◎收養遺嬰造福社會
- ◎竟被匪人謠言中傷

竊以輕女重男我中國成爲一種獨一無二之惡俗城市爲然鄉曲尤烈聞或生男爲父母者亦有因迷信所致忍心拋棄視若仇讐者蓋謂適逢虎年所生之子其凶煞之氣足以危及父母者也愚人之愚誠不可及矣對於生男尙且如此其對於生女更可知矣嘗聞有等貧苦之家無力撫養嬰兒方出母胎即投諸濁流以傷其生或扼其吭以速其死或棄之荒野任其滅亡諸如此類殊堪浩嘆嬰兒何辜受此荼毒故本惻隱之心人皆有之之義在寶安縣南頭城設有育嬰堂一所由意國姑娘辦理亦既有年矣本其救已救人之心獻身社會爲社會担当義務苦心孤詣任怨任勞誠欲將被棄之嬰兒保存其生命而減少貧苦父母之痛苦則凡仁人君子慈善大家早已贊助之不暇何圖近來有等匪人不諒其苦衷無中生有含血噴人製造謠言竟有謂育嬰堂生宰嬰孩烹煮嬰孩之事發生在明達人固能洞悉其好不爲所惑愚民無知不明真相以訛傳訛則於育嬰堂危險萬分矣

況送入育嬰堂撫養之嬰兒大多數已病重垂危醫窮於術九死一生者或初生之嬰兒卽有親母乳哺之亦難保存其生命者在育嬰堂原其愛人之心不辭勞苦爲之撫養固希冀嬰兒盡獲生命無奈雖有此心而無回天之力因而夭折者在所不免乃匪人遂造作此種無稽謠言以惑衆其居心險惡抑壓慈善事業之發展殊令人扼腕也茲特將縣政府佈告錄左